

PIYERI

ka letere fɔlɔ min sebe

Kitabu faamucogo

Yesu ta ciraden Piyeri le ye nin letere sebebaga ye. Nin letere yɔrɔ dɔw faamu ko ka gbelen. Dɔw b'a miiri ko Silasi le k'a sebe gerekikan na Piyeri ye (5.12).

Yahudiya lanabaga minw tun be Azi mara ra, Piyeri be kuma olugu le fe; a be o karan ka o ja gbeleya, ko o ye jija ka to Yesu Kirisita ta Kibaro Diman* sira kan. Hali ni tɔrɔ ka caya cogo o cogo, o ka kan ka Yesu yere le fle. Lanabagaw bena nɔrɔba min sɔrɔ Ala ta Masaya* ra, o ni dunuɔa ta tɔrɔw te se ka suma. O kosɔn lanabaga ka kan ka ɲagari hali tɔrɔ wagati ra, k'a jigi la Ala kan, ka Ala kan mina. Ni o kera, a bena baraji sɔrɔ Matigi Yesu Kirisita nalon na.

Kitabu kɔnɔkɔw

Kitabu daminakumaw (1.1–2)

Jigi ni lanaya ni kanuya (1.3–12)

Lanabaga ka kan ka saninya (1.13–2.10)

Lanabaga ka kan ka tɔrɔw muɲu (2.11–4.19)

Ala batocogonuman (5.1–11)

Kuma laban ni forikan (5.12–14)

Piyeri ta fori

1 ¹ Ne Piyeri, ne min ye Yesu Kirisita ta ciraden* ye, ne be nin sebe ci Ala ta mɔgɔ ɲanawolomaninw ma, minw janjanna ka taga ke lonanw ye Pɔn mara ra, ani Galasi, ani Kapadɔsi, ani Azi, ani Bitini jamanaw ra.

² Fa Ala kɔnna ka aw ɲanawoloma i n'a fɔ a tun k'a latige kakɔrɔ cogo min na; a ka aw saninya Nin Saninman* baraka ra, janko aw ye Ala kan mina, ani Yesu Kirisita jori ye aw saninya.

Ala ye neema ni hera ke aw ye caman.

Jigiya ɲanaman dira lanabagaw ma

³ An ye Fa Ala tando, an Matigi Yesu Kirisita bɔra min na; a ta hinaba kosɔn a ka Yesu Kirisita lakunu ka bɔ saya ra, ka ɲanamanyakura di an ma o sababu ra, janko an ye jigiya ɲanaman sɔrɔ. ⁴ Ala ka fen minw layiri ta an ye, o fenw te cen, o te nɔgɔ, foyi te bɔ o dawula ra; Ala ka o le mara an ye sankolo ra. ⁵ A be aw mara ni a ta sebagaya ye, aw ta lanaya kosɔn, janko ka aw kisi; o kisiri bena yira dunuɔa labanwagati le ra.

⁶ O le be aw ɲagarira hali ni gbeleya caman ka kan ka aw jusu kasi wagati dɔɔnin tuma dɔw. ⁷ O kun ye janko ka aw ta lanaya le segesege. Aw ta lanaya ka fisa ni sanin ye, sabu sanin ye fen banta le ye, nka a ka kan ka don tasma ra k'a saninya. Ni aw ta lanaya fana segesegera, aw bena tandori ni bonya ni nɔrɔ sɔrɔ Yesu Kirisita nawagati ra. ⁸ Aw be ale kanu k'a sɔrɔ aw m'a ye, aw lanin b'a ra k'a sɔrɔ aw ɲa te a ra. O kosɔn aw be ɲagari, ɲagari min te se ka lakari, min nɔrɔ ka bon, ⁹ sabu aw bena aw ta lanaya tɔnɔ sɔrɔ; o ye aw nin kisiri ye.

¹⁰ Ala tun ka neema min laben aw ye, ciraw tun ka ciraya ke o neema ta ko ra; o tun ka o kisiri ko fle, ka a segesege kosebe. ¹¹ Kirisita* ta Nin* min tun be o kɔnɔ, o Nin tun kɔnna ka Kirisita ta tɔrɔw yira o ra, ani a bena nɔrɔ min sɔrɔ o kɔ fe; o kosɔn ciraw tun jijara ka o kow kewagatiw, ani o kecogo segesege k'a lɔn.

¹² Ala k'a yira ciraw ra ko fen minw yirara o ra, ko olugu yere ta te o ye, ko aw ta lo. O kumaw le lasera aw ma sisan. Ala ka Nin Saninman* ci ka bɔ sankolo ra, ka na minw kan, olugu le ka o Kibaro Diman* lase aw ma. Hali melekew yere tun b'a fe ka o kow lɔn.

Lanabaga ta tagamacogokura

(Tesalonikikaw fɔlɔ 5.8–9; Tite 2.11–14)

¹³ O kosɔn aw ye aw yere cesiri, ka aw yere minacogo lɔn; Ala bena neema min di aw ma Yesu Kirisita nalon na, aw ye aw jigiya be la o le kan. ¹⁴ Aw ye ke Alakanminabagaw ye; negejugu minw tun be aw ra fɔlɔfɔlɔ, k'a sɔrɔ aw tun ma Yesu ta Kibaro Diman* ko lɔn fɔlɔ, aw kana aw yere bla o kɔ tuun. ¹⁵ Ala min ka aw wele, i n'a fɔ ale saninyanin lo, o ra, aw fana ye saninya aw ta koketaw be ra. ¹⁶ Sabu a sebera Kitabu kɔnɔ ko Ala ko: «Aw ka kan ka saninya, sabu ne saninyanin lo^a.»

¹⁷ Ala le bena kiti tige adamaden be kelen kelen kan ka kɔra ni a yere ta kewalew ye; a fana tena mɔgɔ bɔ mɔgɔ ra. Ni aw be ale le wele ko aw Fa, o tuma aw fana ye aw ta dunupalatige ke ni Alajnasiran ye. ¹⁸ Aw k'a

^a1.16 Nin kuma fra Sarakalasebagaw 19.2.

lɔn ko aw ka aw bemaw cɛn ta, ka to ka ko nacintan minw ke, Ala ma aw kunmabɔ o kow ra ni fen banta dɔ le ye, i n'a fɔ wari walama sanin; ¹⁹ a ka aw kunmabɔ ni Kirisita* jori nafaman le ye; ale kera i n'a fɔ sagaden, fiyen tɛ min na, ani nɔ tɛ min na. ²⁰ Ala tun kɔnna ka Kirisita ta ko latige k'a bla, sani dunuɲa ye dan; nin wagati laban le ra sisan, a nana aw kosɔn. ²¹ Ale le baraka ra aw lara Ala ra, Ala min k'a lakunu ka bɔ saya ra, ka bonya la a kan, janko aw ta lanaya ni aw ta jigiya ye to Ala kan.

²² Aw sɔnna can ma ka aw jusukun saninya, janko ka aw balekaw kanu ni jusukun gbenin ye; o kosɔn aw ye ɲɔɲɔn kanu kosebe ni aw jusukun beɛ ye. ²³ Sabu Ala ka panamanyakura min di aw ma, aw ma o sɔrɔ fen torita dɔ le sababu ra, nka aw k'a sɔrɔ fentoribari le sababu ra; o ye Ala ta Kuma panaman ye, min tɛ yelema. ²⁴ Sabu a sebera ko:

«Adamadenw beɛ be i ko bin,
o dawula be i ko binfiyeren.
Bin be ja, a fiyeren fana be bɔn;

²⁵ nka Matigi ta kuma kɔni be a nɔ ra tuma beɛ ani wagati beɛ^b.»

O kuma le fɔra aw ye Kibaro Diman waajuri ra.

Lanabagaw ye Ala ta mɔɔ saninmanw ye

(Efesikaw 2.20–22; Matiyu 21.42–44; Rɔmukaw 9.24–33)

2 ¹ Ayiwa, o le kosɔn aw ye juguya ni nanbara ni flankafuya ni pangboya ni ɲɔɲɔnkɔrɔfɔ beɛ dabra. ² Nɔnɔ nege be denɲenin sɔrɔ cogo min na, aw y'a to Ala ta Kuma min be i ko nɔnɔ saninyanin, o nege ye aw sɔrɔ ten, janko o sababu ra aw ye baraka sɔrɔ lanaya ra ka kisi. ³ Sabu aw ka Matigi ta ɲumanya nene, k'a ye ko a ka di.

⁴ Aw ye gbara Matigi ra, ale min ye bon jusiginan kabakuru panaman ye; mɔɔw banna a ra, nka Ala k'a panawoloma, ka nafaba la a kan. ⁵ Ayiwa, aw fana kera kabakuru panaman dɔw ye; aw ye fara ɲɔɲɔn kan, ka ke Ala ta bon saninman ye, ka ke Ala ta sarakalasebaga* saninmanw ye, janko ka aw jusukun ta sarakaw lase Ala ma Yesu Kirisita baraka ra, saraka minw ka di Ala ye. ⁶ Sabu a sebera Kitabu kɔnɔ, ko:

«A fle, ne bena kabakuru dɔ sigi Siyɔn,
ka o ke bon kabakuru fɔlɔ ye,
kabakuru panawolomanin, ani kabakuru nafaman;
ni mɔɔ min ka a jigi la a kan,
Ala tɛna o tigi janfa fiyewu^c.»

⁷ Aw minw lara a ra, a kera fen nafaman ye aw fe; nka lanabariw ta fan fe, a sebera ko:

«Bonlobagaw banna kabakuru min na,
o le kera kabakurusɔbe ye, ka ke bon kabakuru fɔlɔ ye^d.»

⁸ A fɔra tuun ko:

«O le kera o sentalon kabakuru ye,
ani ka ke o ben farakuru ye^e.»

O be talon a ra, sabu o ma sɔn Ala ta kuma ma. Ala tun ka o le latige o ye fana.

⁹ Nka aw kɔni, aw ye siya wolomanin le ye, aw ye Masa Ala ta sarakalasebagaw le ye, ani siya saninman, ani Ala ta mɔɔ kunmabɔninw; Ala ka aw wele ka bɔ dibi ra ka aw ladon a ta yeelensɔbe ra, janko aw ye a ta koɲuman kabakomanw lase mɔɔw ma. ¹⁰ Fɔlɔfɔlɔ aw tun tɛ Ala ta mɔɔw ye, nka sisan aw kera Ala ta mɔɔw ye. Fɔlɔfɔlɔ aw minw tun ma Ala ta makari sɔrɔ, sisan aw ka a sɔrɔ.

Lanabaga ka kan ka mɔɔ beɛ bonya

(Rɔmukaw 13.1–8; Efesikaw 6.5–8)

¹¹ Ne balema kanuninw, aw be dunuɲa kɔnɔ i n'a fɔ lonan temɛbagaw; o kosɔn ne be aw daari ko aw ye aw farisogo negerakow ye ka o to yi, sabu o negerako be aw nin kere. ¹² Aw ye aw tagamacogo lɔn siya were mɔɔw cɛ ra. O cogo ra, hali ni o be aw tɔɔɲugu fɔ k'a ke i n'a fɔ aw ka kojugu ke, o belen ye aw ta kewaleɲumanw ye; ni o kera, ni Ala nana nɛɛma o ye lon min na, o bena a tando.

¹³ Matigi kosɔn, aw ye aw yere majigi adamadenw ta kuntigiyaw beɛ kɔrɔ, ka aw yere majigi masaceba ye kosebe, ale min be beɛ kunna, ¹⁴ ani jamanatigiw, masaceba ka minw ci janko ka kojugukebagaw koro, ani ka koɲumankebagaw tando. ¹⁵ Sabu Ala sago ye ko aw ye koɲuman ke janko ka mɔɔkɔlon hakirintanw da datugu.

¹⁶ Ala ka aw ke aw yere ta ye, nka aw kana o ke sababu ye ka kojugu ke; aw ye panamanya i ko Ala ta ɲɔnw. ¹⁷ Aw ye mɔɔ beɛ bonya; aw ye aw balekaw kanu, aw ye siran Ala ɲa, aw ye masaceba bonya.

^b1.24–25 Nin kuma fɔra Ezayi 40.6–8.

^c2.6 Nin kuma fɔra Ezayi 28.16.

^d2.7 Nin kuma fɔra Zaburu 118.22.

^e2.8 Nin kuma fɔra Zaburu 118.22; Ezayi 8.14.

Lanabagaw ka kan ka tɔɔɔ sɔnmina

¹⁸Aw baaradenw, aw ye aw yere majigi aw kuntigiw ye, ka o bonya cogoya bee ra; kuntigi minw ka ni, ani minw jusu sumanin lo, olugu dɔɔɔn te, nka hali minw ka fari. ¹⁹Sabu ni aw man kan ni tɔɔɔ min ye, ni aw be o sɔnminana Ala yere nasiran kosɔn, o ye kojuman le ye. ²⁰Ni o te, ni aw be bugɔri sɔnmina aw yere ta kojuguw le kosɔn, aw be bonya juman le sɔɔ o ra? Nka ni aw be tɔɔɔ sɔnmina aw ta kojuman le kosɔn, o ye kojumanba le ye Ala fe.

²¹Ala ka aw wele o le kama fana, sabu Kirisita* fana tɔɔɔra aw kosɔn, ka o sira yira aw ra, janko aw fana ye tugu ale sennɔ kɔ. ²²Ale ma jurumun si ke, faninya si ma bɔ a da ra ka ye^f. ²³O k'a neni, nka a ma a ta ɔɔɔn sara; o k'a tɔɔɔ, nka a ma wuri mɔɔɔ kama; a ka a ta ko bee to Ala le boro, ale Ala min be kiti tige ni terenninya ye. ²⁴A ka an ta jurumunw doni ta ka o la a yere kan, k'a farikolo tɔɔɔ gbengben yiri kan. A ka o ke, janko an ye sa ka bɔ jurumun fanga kɔɔ, ka janamanya terenninya ra. Jori minw tigera a farikolo ra, o le sababu ra aw keneyara^g. ²⁵Sabu aw tun be i ko saga tununinw; nka sisan aw sekɔra ka na sagagbenbaga fe, min ye aw nin kɔɔsibaga ye.

Furuce ni furumuso ka kan ka ɔɔɔn bonya

(Timote fɔlɔ 2.9–15; Efesikaw 5.22–33)

3¹Ayiwa, musow, o cogo kelen na, aw bee kelen kelen ye aw yere majigi aw ce w ye, janko ni a kera ko ce dɔw ma sɔn Ala ta Kuma ma fɔlɔ, o ta musow tagamacogo ye ke sababu ye k'a to o ye sɔn; a kana ke ni kuma yere ye, ²sabu o bena aw tagamacogo ye, k'a ye ko aw jusukun gbenin lo, ani ko Alapasiran be aw ra.

³Aw ta kana ke yeremasiri dama ye, ani kundancogo dama temeninw, ani ka sanin don aw yere ra, ka fani sɔngɔgbelenw siri. ⁴Aw ye aw jusukun le masiri ni masirifen dogonin ye; o masirifen ye numanya ni jususuma le ye; o le ye fen banbari ye, min nafa ka bon Ala fe. ⁵Fɔlɔfɔlɔ, muso saninman minw tun be o jigi la Ala kan, olugu tun be o yere masiri o cogo le ra, ka o yere majigi o ce w ye, ⁶i ko Saran min tun be a ce Iburahima bonya fɔ a b'a wele ko a matigice. Ayiwa, aw kera Saran denmusow le ye, ni aw kɔni be kojuman ke, ni aw m'a to foyi si ye aw lasiran ka aw bɔ o sira kan.

⁷Ayiwa, aw ce w, aw fana ye aw musow mina ka ja ni hakiri ye, ka a lɔn ko muso ni ce baraka te kelen ye. Aw ye o bonya, sabu Ala ka janamanya banbari min di an ma a ta neema baraka ra, aw bee le ka o sɔɔ kelen ye. Aw ye o ke, janko foyi kana aw ta Aladaari bari a ye mina.

Lanabaga be se ka tɔɔɔ terenninya kosɔn

(Rɔmukaw 12.14–21; Matiyu 10.24–31)

⁸Ayiwa, o bee kɔ, aw bee ye ben kelen ma, ka aw ta miiriya ke kelen ye, ka ke ɔɔɔn fe, ka ɔɔɔn kanu balemaya ra, ka hina ɔɔɔn na, ka aw yere majigi ɔɔɔn ye. ⁹Aw kana kojugu sara ni kojugu dɔ were ye, walama ka nenini sara ni nenini dɔ were ye; aw kana o ke, nka aw ye dugawu le ke, sabu Ala ka aw wele o le kosɔn, janko aw ye baraka sɔɔ ale fe. ¹⁰Sabu a sebera Kitabu kɔnɔ ko:

«Ni mɔɔɔ min b'a fe a ta dunupalatige ye ja,
ka dunupa diya a ra,
o tigi ye a nenkun kɔɔsi kumajuguw ma,
ka a da kɔɔsi nanbarakumaw ma.

¹¹A ye faran juguya ra pewu, ka kojuman ke,
ka jija ka hera jini, ka tugu a nɔ fe.

¹²Sabu Matigi ja lɔnin be mɔɔɔ terenninw na,
a toro be o ta daarikan na fana;
nka Matigi be kojugukebagaw kere^h.»

¹³Ayiwa, ni aw jijara kojuman na, jɔn le bena aw tɔɔɔ o kosɔn? ¹⁴Nka hali ni o be aw tɔɔɔ terenninya kosɔn, aw ta pana. Aw kana siran mɔɔɔw ja, aw hakiri fana kana pagami. ¹⁵Aw ye Kirisita* bonya aw jusu ra dɔɔɔn, k'a lɔn ko aw Matigi lo. Jigiya min be aw fe, ni mɔɔɔ o mɔɔɔ ka aw jininka o ra, aw labennin ye sɔɔ tuma bee ka o tigi jaabi; nka aw ye a ke ni jususuma ni bonya ye. ¹⁶Aw jusukun gbenin ye to, janko hali ni o be aw tɔɔɔjugu fɔ k'a ke i n'a fɔ aw ka kojugu le ke, minw be aw tɔɔɔ cenna aw ta tagamacogojuman kosɔn Kirisita ta jenɔɔɔnya ra, olugu yere darakuma ye o maroya. ¹⁷Sabu ka tɔɔɔ kojuman kosɔn, ni o le ye Ala sago ye, o ka fisa sani an ye tɔɔɔ kojugu kosɔn.

¹⁸Ayiwa, Kirisita fana sara jurumun kosɔn sijaga kelen, ka dan o ma. Ale mɔɔɔ terennin sara mɔɔɔ terenbariw kosɔn, janko ka aw ladon Ala ta jenɔɔɔnya ra. A yere sara, nka a kununa Nin Saninman* baraka ra. ¹⁹Minw tun be Ala ta kiti makɔnɔna, o Nin le sababu ra, a tagara olugu waaju. ²⁰Olugu le tun banna Ala

^f2.22 Nin kuma fɔra Ezayi 53.9.

^g2.24 Nin kuma fɔra Ezayi 53.5.

^h3.10–12 Nin kuma fɔra Zaburu 34.13–17.

ta Kuma ma fɔlɔfɔlɔ, k'a sɔrɔ Ala tun muɲuna o kɔrɔ ka mɛɛn, Nuho ta kurunba lalagawagati ra; mɔgɔ dama dama, o kɔrɔ ye mɔgɔ seegi dɔrɔn le donna o kurunba kɔnɔ ka kisi ka bɔ ji ra.

²¹ Ayiwa, o ji tun ye batizeri* tagamasiyen le ye; an b'a yira sisan batizeri le fɛ ko an kisira. O kɔrɔ tɛ ko an farikolo le bɛ ko ka mɔgɔ bɔ a ra; o kɔrɔ ye ko an bɛ Ala daari ko a ye an jusukun saninya Yesu Kirisita kunuko sababu ra. ²² A yɛlera ka taga sankolo ra, ka taga sigi Ala kininboroyanfan fɛ; mɛlɛkɛw, ani kuntigiyaw, ani sebagayaw, o bɛɛ majigira Kirisita ta fanga le kɔrɔ.

Lanabagaw ta panamanyakura

4 ¹ I n'a fɔ Kirisita* farikolo tɔrɔra, aw fana ye baraka don aw yɛrɛ ra ni o miiriya kelen le ye; sabu mɔgɔ min farikolo tɔrɔra, o b'a yira ko o tigi faranna jurumun na. ² O tigi tɛ a ta dunuɲalatigɛ tɔ ke ka kɔrɔ ni a yɛrɛ ta negerakow ye tuun, nka a b'a ke ka kɔrɔ ni Ala sago le ye. ³ Aw ka wagatijan ke Alalɔnbariya ra ka ban fɔlɔfɔlɔ; fɛn minw ka di Alalɔnbariw ye, aw tun bɛ o le ke: jatɔya, ani jogojuguya, ani dɔrɔtɔya, ani domuniba dama temeninw, ani minnin dama temeninw, ani batofen haramuninw batori. ⁴ Nka sisan o mɔgɔw bɛ kabakoya k'a ye ko aw tɛ o kojugu dama temeninw kɛra ni olugu ye tuun; o kosɔn o bɛ aw tɔgɔ cɛn. ⁵ Nka lon dɔ, Ala bɛna taga o ɲininka o ta kɛwalew bɛɛ ra; ale Ala min labenna ka ban ka mɔgɔ panamanw ni suw bɛɛ ta kiti tige. ⁶ O kosɔn, minw sara, Kibaro Diman* tun fɔra olugu fana ye, janko hali ni saya kiti sera o ma i n'a fɔ a bɛ se adamaden bɛɛ ma cogo min na, o ye Ala ta panamanya sɔrɔ Nin Saninman* baraka ra.

Ala ka sebagaya minw karifa lanabagaw ma

⁷ Fɛn bɛɛ laban surunyara; aw ye aw tagamacogo lɔn, ka aw yɛrɛ minacogo lɔn, janko ka to Ala daarira.

⁸ Nka min bɛ fɛn bɛɛ ɲa, o ye ko aw ye ɲɔgɔn kanu kosebe; sabu kanuya bɛ jurumun camanba le datuguⁱ.

⁹ Aw ye sɔn ka ɲɔgɔn lajigi aw ta sow kɔnɔ; o kana ke ni ɲɔgɔnkɔrɔfɔ ye.

¹⁰ Aw bɛɛ kelen kelen ka ninyɔrɔ min sɔrɔ Ala fɛ ka kɔrɔ ni Ala yɛrɛ ta dicogo ye, aw ye ke o sebagayaw minabaganumanw ye ka mɔgɔ tɔw demɛ ni o ye. ¹¹ Ni min ka ke waajurikebaga ye, o tigi ye waajuri ke ka kɔrɔ ni Ala ta fɔta ye. Ni min ka ke tɔw demɛbaga ye, Ala ka baraka min di a ma, a ye a ke ka kɔrɔ ni o ye, janko ko bɛɛ ra bonya ye la Ala kan Yesu Kirisita tɔgɔ baraka ra. Nɔrɔ ni sebagaya ye ale le ta ye tuma bɛɛ, ani wagati bɛɛ. Amina.

Lanabaga bɛ se ka tɔrɔ lanaya kosɔn

¹² Ne balema kanuninw, tɔrɔba min bɛ aw kan sisan i ko tasumaba, janko ka aw kɔrɔbɔ, o man kan ka bara aw ra, k'a ke i n'a fɔ ko benbari dɔ le bɛ sera aw ma. ¹³ Aw yɛrɛ ka kan ka ɲagari le, ko aw fana ninyɔrɔ bɛ Kirisita* ta tɔrɔw ra, janko ni Kirisita ta nɔrɔ nana yira lon min na, o lon na aw fana ye ɲagari, ka aw ninsɔndiya. ¹⁴ Ni o bɛ aw neni Kirisita tɔgɔ kosɔn, aw ta ɲana, sabu Ala Nin* nɔrɔman bɛ aw kan.

¹⁵ Nka aw si man kan ka tɔrɔ, ko sabu aw ye mɔgɔfagabaga ye, walama son, walama kojogukebaga, walama ko aw bɛ aw sen don mɔgɔ wɛrɛw ta kow ra. ¹⁶ Nka ni mɔgɔ dɔ bɛ tɔrɔra a ta lanaya kosɔn, o tigi kana maroya o ra; a ye Ala tando, sabu Kirisita tɔgɔ lara ale ra. ¹⁷ Sabu kiti damina wagati sera, a fana bɛ damina Ala yɛrɛ ta mɔgɔw le ra. Ayiwa, ni a bɛ damina anw yɛrɛ le ra, o tuma minw ma sɔn Ala ta Kibaro Diman* ma, olugu ta labancogo bɛna ke mun ye sa? ¹⁸ A sebera Kitabu kɔnɔ, ko:

«Ni mɔgɔ terennin yɛrɛ kisiko bɛna gbeleya,

o tuma mɔgɔjugu ni jurumunkebaga, olugu ta bɛna ke dij?»

¹⁹ Ayiwa, o kosɔn mɔgɔ minw bɛ tɔrɔra Ala sago kosɔn, olugu ye o nin karifa danbaga Ala kankelentigi ma, ka to ka kopuman ke.

Cɛkɔrɔbaw ta baara

(Timote fɔlɔ 3.1–7)

5 ¹ Ayiwa, cɛkɔrɔba minw ye aw ta pamɔgɔw ye, ne kan bɛ olugu le ma sisan, sabu ne fana ye cɛkɔrɔba ye i n'a fɔ olugu; ne ye Kirisita* ta tɔrɔw seere ye, ne fana nin bɛna ke a ta nɔrɔ ra, o nɔrɔ nin bɛna yira lon dɔ. ² Ayiwa, Ala ka sagakuru min karifa aw ma, aw ye o kɔrɔsi, ka aw janto o ra; aw kana o ke i ko jagboyabaara ra, nka aw y'a ke ni ɲaninyanuman ye ka kɔrɔ ni Ala sago ye; aw kana o ke warinisisira ye, nka aw y'a ke ni jusunuman le ye. ³ Minw karifara aw ma, aw kana aw fanga digi olugu kan, nka aw yɛrɛ ye ke o ɲayirabagaw ye. ⁴ Ni o kɛra, ni sagagbenbagaw Kuntigiba nana a yɛrɛ yira lon min na, masafugula nɔrɔman min tɛ cɛn, aw bɛna o le sɔrɔ aw ta baraji ye.

⁵ Ayiwa, kanbelenw, o cogo kelen na, aw fana ye aw yɛrɛ majigi cɛkɔrɔbaw ye. Aw bɛɛ ye aw yɛrɛ majigi ɲɔgɔn ye ka ɲɔgɔn demɛ, sabu a sebera Kitabu kɔnɔ ko:

«Ala bɛ wasobagaw kɛrɛ;

nka a bɛ nɛɛma mɔgɔ sabarininw ye^k.»

ⁱ4.8 Kanuya bɛ jurumun datugu: Aw ye nin yɔrɔw fle: Zanaw 10.12; Yakuba 5.20.

^j4.18 Nin kuma fɔra Zanaw 11.31.

^k5.5 Nin kuma fɔra Zanaw 3.34; Yakuba 4.6.

⁶O koson aw ye aw yere majigi Ala boro barakaman koru, janko a ye aw korota a wagatijuman na. ⁷Aw ye aw ta haminakow doniw bee jigi ka o la ale kan, sabu a be a jantora aw ra.

⁸Aw ye aw yere minacogo lon, ka aw janto aw yere ra; sabu aw jugu Setana be yaalayaala i ko jara kongoto be kasi cogo min na, k'a ta domuta jini. ⁹Aw sinsinnin ye to lanaya ra ka lo, ka a kere, k'a lon ko aw balema lanabaga minw be dununa konu, ko o tokuru jagonw le be olugu fana kan.

¹⁰Ayiwa, neema bee tigi Ala min ka aw wele janko aw ye aw ninyuru soro a ta nuru banbari ra, Kirisita ta jengonya ra, ni aw tora wagati donin, ale yere bena aw bosi, ka aw ja gbeleya, ka aw baraka bonya, k'a to foyi kana se ka aw bo a no ra. ¹¹Sebagaya ye ale ta le ye wagati bee, ani tuma bee. Amina.

Fori laban

(Tesalonikaw fol 5.23-28)

¹²Ayiwa, Silasi¹ min ye an balemace kankelentigi ye, ale le ka ne deme ka nin kuma fitini sebe k'a ci aw ma, janko ka aw ja gbeleya, ani janko aw ye la a ra ko aw tora neema min na, o ye Ala ta neema yere le ye can ra.

¹³Lanabagaw ta jenkuru min be Babiloni, Ala ka minw panawoloma i ko a ka aw panawoloma cogo min na, olugu be aw fo; ne dence Marika fana be aw fo. ¹⁴Aw ye jagon fo balemaya ra ni kanuyafori ye.

Aw minw bee be Kirisita* ta jengonya ra, Ala ye hera ke aw bee ye!

¹5.12 Silasi be wele fana ko Siliven.